

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 07/10 i 3/23), člana 37. i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) i člana 25. Zakona o cestama Federacije BiH („Službene novine Federacije BiH“, broj: 12/10, 16/10 i 66/13), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

ODLUKU

o davanju saglasnosti na Plan zaštite, održavanja, rekonstrukcije i izgradnje regionalnih cesta za 2026. godinu, Kantonalne direkcije za ceste

Član 1.

(Predmet)

Daje se saglasnost na Plan zaštite, održavanja, rekonstrukcije i izgradnje regionalnih cesta za 2026. godinu, Kantonalne direkcije za ceste, broj: 12-2-23-1751/25 od 09.02.2026. godine, koji čini sastavni dio ove odluke.

Član 2.

(Način realizacije sredstava)

Namjenska sredstva planirana ovim planom zaštite, održavanja, rekonstrukcije i izgradnje regionalnih cesta za 2026. godinu, realizovat će se isključivo u skladu sa realizacijom ostvarenih namjenskih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-23-2817/26

Datum, 13.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo finansija,

1x Ministarstvo za prostorno uređenje,

promet i komunikacije i zaštitu okoline,

1x Kantonalna direkcija za ceste,

1x „Službene novine Zeničko-dobojskog kantona“,

1x a/a.



BOSNA I HERCEGOVINA
 FEDERACIJA BOSNE I HERCEGOVINE
ZENIČKO – DOBOJSKI KANTON
**MINISTARSTVO ZA PROSTORNO UREĐENJE,
 PROMET I KOMUNIKACIJE I ZAŠTITU OKOLINE**
KANTONALNA DIREKCIJA ZA CESTE

**PLAN ZAŠTITE, ODRŽAVANJA, REKONSTRUKCIJE I IZGRADNJE REGIONALNIH
 CESTA ZA 2026. GODINU**



Februar 2026. godine

SADRŽAJ

Uvod	3
I. Održavanje regionalnih cesta	4
I.1 Redovno održavanje regionalnih cesta	5
I.2 Održavanje regionalnih cesta u zimskim uslovima.....	6
I.3 Obnova i vanredno održavanje regionalnih cesta	8
II. Ugovorene i druge posebne usluge	9
III. Rekonstrukcija i izgradnja cesta i izrada projektne dokumentacije	9
III.1. Rekonstrukcija i izgradnja regionalnih cesta	10
III.2. Izrada projektno-tehničke dokumentacije	12
IV. Nabavka opreme	13
V. Nabavka zemljišta (Ekspropijacija)	13
VI. Rekapitulacija utroška sredstava	14

UVOD

Zakonom o izmjeni i dopuni Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona" broj 03/10), u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona formirana je Kantonalna direkcija za ceste (u daljem tekstu; Direkcija).

Prema odredbama člana 25. Zakona o cestama Federacije BiH ("Službene novine Federacije BiH", broj: 12/10,16/10 i 66/13), Direkcija donosi godišnji Plan zaštite, održavanja, rekonstrukcije i izgradnje regionalnih cesta Zeničko-dobojskog kantona, obavljajući upravne i stručne poslove koji se odnose na:

- poslove održavanja i zaštite cesta;
- pripreme dugoročnih i srednjoročnih planova razvoja cesta i izvještaja;
- pripreme srednjoročnih i godišnjih planova i programa održavanja, zaštite, rekonstrukcije i izgradnje cesta kao i izvještaja o realizaciji tih planova i programa;
- pripreme plana obnove;
- investicijske poslove za održavanje i obnovu, rekonstrukciju i izgradnju;
- investicijske poslove za osiguranje potrebne studijske i projektne dokumentacije;
- pripreme i realizaciju programa mjera i aktivnosti na unapređenju sigurnosti prometa;
- poslove zaštite cesta;
- prijedloge finansijskih planova i finansijskih izvještaja o realizaciji tih planova i programa, i osiguranju sredstava za potrebe cesta;
- vođenje evidencije (baze podataka) cesta, objekata, prometne signalizacije, i opreme na cestama i katastra cestovnog zemljišnog pojasa;
- prikupljanje podataka i obavještanje javnosti o stanju cesta i načinu odvijanja prometa;
- poduzimanje potrebnih mjera za očuvanje i zaštitu okoliša.

Planom zaštite, održavanja, rekonstrukcije i izgradnje za 2026. godinu određene su aktivnosti u skladu sa materijalnim okvirima, odnosno planiranim namjenskim sredstvima namjenjenim za finansiranje poslova na regionalnim cestama Zeničko-dobojskog Kantona. Ovim dokumentom obuhvaćeni su planirani radovi na redovnom održavanju, vanrednom održavanju, radovi na rekonstrukciji regionalnih cesta, kao i izrada projektne dokumentacije.

Cjelokupna politika upravljanja regionalnim cestama bit će usmjerena na izvršenje prioriternih poslova na regionalnim cestama, koji se ogledaju u slijedećem:

- izgradnja novih i rekonstrukcija starih dotrajalih mostova na regionalnim cestama u svrhu osiguranja normalne prohodnosti na regionalnim cestama i bezbjednosti učesnika u prometu;
- kontinuirano održavanje cestovne mreže u cilju zaštite projektovanog stanja cesta i obezbjeđenja zadovoljavajuće sigurnosti i potrebne prohodnosti na cestama;
- sanacija najkritičnijih dionica regionalnih cesta
- poboljšanje stanja prometa i povećanje nivoa bezbjednosti rekonstrukcijom nepovoljnih elemenata ceste i obnovom građevinskih objekata na trasi ceste;
- okončanje ugovorenih radova rekonstrukcije regionalnih cesta i objekata na cestama

U skladu sa budžetom Zeničko-dobojskog kantona za 2026. godinu i Strategijom razvoja 2021.godine-2027.godine, a u vezi sa strateškim ciljem 3. ukupna finansijska sredstva namijenjena za izvršenje planiranih aktivnosti na regionalnim cestama na području Zeničko-dobojskog kantona iznosi 27.000.000,00 KM.

Za redovno i vanredno održavanje regionalnih cesta i cestovnih objekata, stručno-tehnički nadzor i izvršenje ugovorenih poslova iz protekle godine planirano je 15.700.000,00 konvertibilnih maraka.

Za rekonstrukciju i izgradnju regionalnih cesta i cestovnih objekata, izradu tehničke dokumentacije i obavljanje stručno-tehničkog nadzora, planirano je 10.650.000,00 konvertibilnih maraka.

Za nabavku opreme planirano je 15.000,00 KM, plaćanje rasvjete tunela "Ponikve" u Varešu je 5.000,00 KM i za nabavku zemljišta (eksprijaciju) planirano je 535.000,00 KM.

I. ODRŽAVANJE REGIONALNIH CESTA

Na regionalnim cestama na području Zeničko-dobojskog kantona obavljaju se poslovi redovnog održavanja tokom cijele godine, s tim da se, u periodu od 15. novembra tekuće godine do 15. marta naredne godine, vrše i poslovi održavanja regionalnih cesta u zimskim uslovima. Sve navedeno obavlja se u svrhu održavanja prohodnosti i tehničke ispravnosti cesta i sigurnost saobraćaja na njima.

Pored navedenih poslova, Planom su obuhvaćeni i radovi vanrednog održavanja koji se obavljaju na osnovu tehničke dokumentacije u svrhu poboljšanja elemenata ceste, stabilnosti i trajnosti ceste i cestovnih objekata i povećanja sigurnosti saobraćaja.

Regionalne ceste na području Zeničko-dobojskog kantona su grupisane u 14 (četnaest) LOT-ova (Tabela 1.), uvažavajući teritorijalni princip, blizinu i povezanost cesta u cilju efikasnijeg i ekonomičnijeg održavanja. Regionalne ceste su grupisane po LOT-ovima u cilju lakšeg praćenja procesa održavanja od raspisivanja tendera za javnu nabavku radova, izvođenja planiranih radova do obračuna istih.

Tabela 1. Regionalne ceste podijeljene na LOT-ove

Lot	Dužina (km) po LOT-u	Oznaka ceste	Dionice regionalnih cesta
1.	79,80	R- 445 R- 473 R- 441 R- 413a R- 457a	Lašva-Zenica-Nemila Nemila-Bistričak-Teslić (granica Federacije) Zenica-Vjetrenice-Vitez (granica Kantona) Čajdraš-Ovnač (granica Kantona) Rudnik Zenica – spoj sa kružnim tokom u Radakovu R 457
2.	26,26	R- 444	Podlugovi-Breza-Vareš
3.	23,86	R-444	Vareš-Podkamenko
4.	20,63	R-444a	Vareš-Luke-Ratanj
5.	12,80	R- 444b	Šimin Potok - Ravne - Kamenica (gr.Kantona)
6.	52,39	R- 445 R- 445 R-466	Lučani-D.Kakanj-Kakanj-Čatići A1-kružni tok Čatići-K.Sutjeska-Ponijeri(kraj asfalta)
7.	30,62	R-445 R-443	Čatići-Visoko-Podlugovi (gr.Kantona) Visoko-Kiseljak (gr.Kantona)
8.	27,35	R- 465	Zavidovići-Maglaj (granica Federacije)
9.	30,60	R- 466	Zavidovići-Kamenica-Ponijeri
10.	74,62	R- 467 R- 468 R-467a	Ribnica-Olovo-Han Pjesak (gr.Federacije) Olovo-Sokolac (gr.Federacije) Milankovići(spoj sa R-467)-Kladanj(gr.Kantona)
11.	23,60	R 457	Zenica-Arnauti-Ribnica-Donji Kakanj (spoj sa R 445)
12.	36,97	R-474	M17-Novi Šeher-Tešanj-Jelah-gr.Federacije
13.	14,40	R 474a	Alibegovački most – Sivša – Mlinište - Lovački dom – Bejići - Ularice-Šumski dvor-Makljenovac-Vila (spoj sa M 17)
14.	7,00	R-474 b	Novi Šeher-Kopice-Teslić(gr.Federacije)
Ukupno:	461,00		

Osnovni ciljevi održavanja regionalnih cesta su:

- sprječavanje propadanja cesta,
- omogućavanje sigurnog prometa,
- smanjenje troškova korisnika dobrim stanjem cesta,
- dovođenje cesta u projektovano stanje uzimajući u obzir izmjenjene potrebe prometa.

Godišnji plan održavanja sadrži:

- planirana ulaganja u održavanje regionalnih cesta zavisno o zatečenom stanju i standardu održavanja,
- planirana ulaganja u vanredno održavanje regionalnih cesta zavisno od stepena prioriteta i odobrenih finansijskih sredstava.

U skladu sa odredbama Zakona o javnim nabavkama BiH i Zakona o cestama Federacije BiH, odabrani su najpovoljniji ponuđači za izvršenje poslova redovnog održavanja regionalnih cesta i sa istima potpisani Okvirni sporazumi na period od četiri godine.

Na osnovu zaključenih Okvirnih sporazuma sa odabranim izvođačima radova koji posjeduju licencu za održavanje javnih cesta izdatu od strane Federalnog ministarstva prometa i komunikacija, Direkcija će zaključivati pojedinačne ugovore za sve vidove održavanja regionalnih cesta u četverogodišnjem periodu.

I.1. Redovno održavanje regionalnih cesta

Redovno održavanje regionalnih cesta će se obavljati od vremena zaključivanja ugovora sa odabranim izvođačima radova, sa svrhom održavanja prohodnosti, tehničke ispravnosti cesta i sigurnosti prometa na njima.

Redovno održavanje regionalnih cesta je aktivnost koja obezbjeđuje preduslove za stalni i nesmetani promet. Regionalne ceste kao ceste prvog ranga u nadležnosti kantona, moraju se redovno i kontinuirano održavati uz stalni nadzor od strane cestovne službe i inspeksijskih organa. Zbog velikog privrednog i bezbjednosnog značaja prometa, često se susrećemo sa problemima koje je potrebno riješiti u veoma kratkom periodu kako bi se cesta dovela u prohodno stanje i neophodno je odmah djelovati u cilju uspostave normalne prohodnosti.

Odabirom pravnih subjekata u skladu sa odredbama Zakona o javnim nabavkama BiH, tj. specijaliziranih licenciranih preduzeća za redovno održavanje regionalnih cesta, pristupit će se izvršenju radova definisanih odredbama Zakona o cestama Federacije BiH i Pravilnika o održavanju javnih cesta, i to:

- popravka kolovoza (osim dijela u kojem je smještena tramvajska ili željeznička pruga), trupa ceste, potpornih i obložnih zidova;
- uklanjanje odronjenog materijala i čišćenje kolovoza i objekata za odvodnju;
- održavanje bankina (planiranje i poravnavanje), bermi i kosina usjeka, nasipa i zasjeka;
- održavanje objekata na cestama;
- održavanje rasvjete, semafora i drugih instalacija i elektro-opreme, koji su izgrađeni u funkciji sigurnosti saobraćaja na cesti;
- izrada i postavljanje horizontalne i vertikalne signalizacije, svjetlosno sigurnosnih uređaja, zamjena, popravka i uklanjanje oštećene i nepotrebne saobraćajne signalizacije i opreme ceste;
- košenje trave i održavanje zelenih površina i zasada u cestovnom pojasu;
- održavanje potrebne preglednosti cesta i oznaka u cestovnom pojasu;
- čišćenje snijega i leda sa kolovoza, i posipanje kolovoza s ciljem sprječavanja poledice i osiguranja prohodnosti cesta u zimskim uslovima;
- manji zahvati na obnavljanju, zamjeni i ojačanju dotrajalih kolovoza;
- manji zahvati na ojačanju i zamjeni propusta, potpornih i obložnih zidova i zaštita čeličnih konstrukcija od korozije;
- manji zahvati na ugrađivanju ivičnjaka i izradi pješačkih staza;
- manji zahvati na saniranju klizišta i odrona;
- vođenje podataka o javnim cestama;
- obavljanje i drugih poslova kojima se osigurava stalan, nesmetan i bezbjedan promet na cestama;
- obnovu i farbanje kilometarskih oznaka, stubova saobraćajnih znakova i nosača rasvjetnih tijela;
- uređenje i popravke sistema za odvodnju (jaraka, rigola, drenaža i drugo);
- mjestimični popravci betonskih pasica
- popravci lokalnih oštećenja kolovoza (udarnih rupa, pojedinačnih i mrežastih pukotina, uzdužnih i poprečnih denivelacija, omekšanog asfaltnog zastora, oštećenih rubova i razdjelnica betonskog kolovoza);
- održavanje oznaka referentnog sistema označavanja cesta;
- radovi na održavanju cestovnih objekata, te uklanjanje manjih oštećenja, koja mogu ugroziti stabilnost i sigurnost objekta;
- glavni pregled cesta i objekata angažovanjem stručnih organizacija i ustanova. (aktivnost koja podrazumjeva detaljan pregled objekta, uz potrebna mjerenja i ispitivanja a obavlja se svake šeste (6) godine).

Poslovi održavanja cesta će se utvrđivati na način da stručna služba Kantonalne direkcije za ceste definiše dinamiku poslova u zavisnosti od prioriteta, raspored radova po cestovnim pravcima, a po potrebi i upustva za primjenu tehnike i tehnologije izvođenja radova pojedine pozicije radova održavanja.

Vrsta, obim, vrijednost i dinamika radova održavanja cesta moraju obezbjediti održavanje cesta u takvom stanju koje omogućava vršenje trajnog, bezbjednog i nesmetanog prometa na cestama i očuvanje projektovanog stanja cesta, a u okviru raspoloživih sredstava za održavanje i zaštitu cesta.

Kod redovnog održavanja regionalnih cesta značajno se posvećuje pažnja smanjenju utroška sredstava u zavisnosti od metode i načina ugovaranja poslova, kao i primjene kvalitetnog nadzora nad izvršenjem radova od strane izvođača.

U postupku javne nabavke licitirani su radovi za održavanje regionalnih cesta prema predmjerima u kojima je definisan obim radova na osnovu snimljenog stanja na terenu i procijenjenih količina izvršenih u proteklom periodu, a u okviru planiranih namjenskih sredstava. U skladu sa navedenim, obim radova je usaglašen sa stanjem potreba na regionalnim cestama u granicama planiranih sredstava namjenjenih za izvršenje poslova održavanja regionalnih cesta.

Pored navedenih radova sa iskazanim procijenjenim količinama, predmjeri radova sadržavaju i ostale propisane radove na održavanju regionalnih cesta kojima se osigurava stalna prohodnost i bezbjednost učesnika u prometu i isti su definisani Zakonom o cestama Federacije BiH i Pravilnikom o održavanju javnih cesta.

Izvođači radova će, prema odredbama zaključenog sporazuma, preuzimat vršenje radova i poslova održavanja regionalnih cesta na dionicama regionalnih cesta koje se definišu zasebnim ugovorima. Usluga stručno-tehničkog nadzora nad izvođenjem radova redovnog održavanja regionalnih cesta bit će povjerena preduzećima koja će se odabrati u skladu sa odredbama Zakona o javnim nabavkama BiH.

U okviru redovnog održavanja planiran je utrošak sredstva u iznosu od 50.000,00 KM za redovno održavanje pružnih prelaza u nivou, čije održavanje u cijelom gabaritu provode preduzeća koja obavljaju željeznički promet u skladu sa Zakonom o Željeznicama Federacije Bosne i Hercegovine („Službene novine Federacije BiH“, broj: 41/01 i 25/12). Na području našeg kantona na tri mjesta se ukrštaju regionalne ceste sa željezničkom prugom. Troškove održavanja mjesta ukrštanja snose u istom omjeru Kantonalna Direkcija za ceste i JP Željeznice Federacije BiH d.o.o. Sarajevo.

Kantonalna direkcija za ceste je u 2018 godini osvijetlila tunel „Ponikve“ na regionalnoj cesti R 444 dionica Vareš–Podkamensko, tako da smo obavezni kontinuirano plaćati troškove električne energije. Planirano je 5.000,00 KM za ove namjene u tekućoj godini.

I.2. Održavanje regionalnih cesta u zimskim uslovima

Održavanje cesta u zimskim uslovima obuhvata period od 15. novembra tekuće do 15. marta naredne godine, s tim što zavisno od vremenskih prilika i meteoroloških prognoza taj period može početi prije, odnosno završiti kasnije.

Mreža cesta je u zavisnosti od obima prometa i značaja ceste podjeljena na određene klase ili razrede. Klase ili razrede cesta sa aspekta zimskog održavanja posmatrani su u zavisnosti od inteziteta prometa, povezanosti sa privrednim područjima, odvijanja autobusnog saobraćaja, stanja kolovoza, teritorijalnog položaja ceste itd.

Završetkom perioda održavanja regionalnih cesta u zimskim uslovima u tekućoj godini, izvođači radova će prema nalogima ugovornog organa izvršavati sve neophodne radove u svrhu uspostave prohodnosti i bezbjednosti prometa.

Zimsko održavanje podrazumjeva radove na čišćenju sniježnih padavina sa kolovoza i radove na sprječavanju i otklanjanju poledice na kolovozima cesta. Pripreme za realizaciju održavanja u zimskim uslovima alizuju se do početka zimskog perioda, a obavljaju se u tri faze:

- nabavka i uskladištenje posipnih materijala;
- uređenje i dogradnja punktova zimske službe;
- priprema sredstava rada.

Ove aktivnosti koordinira stručna služba Direkcije i cestarske službe izvođača radova. Poslovi održavanja prohodnosti ceste u zimskim uslovima su poslovi rukovođenja i koordiniranja na nivou Direkcije, a poslovi operativnog rukovođenja na nivou preduzeća obuhvataju:

- izvršenje pripremnih poslova na obezbjeđenju i uskladištenju posipnih materijala,
- izvršavanje radova na sprečavanju poledica na kolovozu i čišćenje snijega,
- blagovremeno i potpuno informisanje korisnika ceste o stanju i uslovima prometa na cesti
- obilježavanje ivica kolovoza odgovarajućim letvicama
- izvršavanje i drugih aktivnosti koje čine dio ukupnih poslova zimske službe.

Poslove neposrednog nadzora funkcionisanja zimske službe i ovjeru operativno-tehničke i finansijske dokumentacije po potrebi će obavljati i stručna lica iz sastava Kantonalne direkcije za ceste.

Radovi i poslovi održavanja prohodnosti ceste obavljaju se u sve kalendarske dane zimske službe u vremenu od 0-24 sata.

U cilju obezbjeđenja adekvatnog održavanja cesta u zimskim uslovima i utvrđivanja radova neophodnih za održavanje prohodnosti cesta i sigurnog odvijanja prometa za režim prometa u zimskim uslovima, utvrđuju se slijedeći prioriteti na održavanju regionalnih cesta.

Na cestama I prioriteta radovi na obezbjeđenju prohodnosti se moraju izvoditi permanentno u cilju obezbjeđenja stalne prohodnosti i dovršiti u roku od 5 sati u nizinskom odnosno 8 sati u planinskom području, računajući od trenutka prestanka padavina.

Na cestama II prioriteta ne smije doći do zastoja u odvijanju prometa dužeg od 6 sati u toku dana. Na cestama III prioriteta obaveza je stvaranja uslova za sigurno odvijanje prometa najduže u roku od 72 sata po prestanku padavina.

U toku zimskog perioda, planirana vrijednost sredstava za održavanje regionalnih cesta u zimskim uslovima je 1.865.206,00 KM.

I.3. Obnova i vanredno održavanje regionalnih cesta

Vanredno održavanje regionalnih cesta vrše se iz razloga očuvanja projektovanog stanja cesta i konstruktivnih elemenata ceste.

Potrebni poslovi na vanrednom održavanju regionalnih cesta su klasificirani na:

- obnavljanje, zamjenu i ojačanje dotrajalih kolovoza,
- ojačanja i zamjene propusta i mostova dužine do deset metara, obnove potpornih i obloženih zidova i zaštita čeličnih konstrukcija od korozije.
- ugrađivanja ivičnjaka i izrada pješačkih staza,
- saniranja klizišta i odrona

Ojačanje i obnova planiraju se na duži rok, kao sastavni dio vanrednog održavanja fizičke upotrebljivosti mreže regionalnih cesta i očuvanja vrijednosti infrastrukture.

Pozicije radova vanrednog održavanja regionalnih cesta će se izvršavati u zavisnosti od prioriteta, kao i od stanja cesta nakon zimskog perioda. Obzirom na značaj kolovoza sa aspekta bezbjednog odvijanja prometa na cestama, prioritetno će se rješavati zakonom definisani poslovi na kolovoznoj konstrukciji, sanaciji aktivnih klizišta i ostali planirani radovi.

Planirani poslovi vanrednog održavanja regionalnih izvršavat će se prema tehničkoj dokumentaciji, dok odabir izvođača radova vršit će se na način propisan Zakonom o javnim nabavkama BiH.

Prenos sredstava u tekuću godinu na osnovu potpisanih ugovora o izvođenju radova na obnovi i vanrednom održavanju u proteklom periodu je 1.134.099,00 KM (Tabela 2.).

Tabela 2. Pregled prenosa sredstava na obnovi i vanrednom održavanju regionalnih cesta

Redni broj	Dionice regionalnih cesta Zeničko-dobojskog kantona	Planirana sredstava /KM/
1.	Izgradnja trotoara uz regionalnu cestu R 474 lokalitet Piljužići	149.760,00
	Stručno tehnički nadzor	816,00
2.	Sanacija regionalne ceste R 413a lokalitet Pojske	384.895,00
	Stručno tehnički nadzor	4.226,00
3.	Sanacija klizišta na R465 Zavidovići-Maglaj	71.514,00
	Stručno tehnički nadzor	1.052,00
4.	Sanacija regionalne ceste R 443 Visoko-Kiseljak	423.624,00
	Stručno tehnički nadzor	2.800,00
5.	Sanacija regionalne ceste R 444 Podlugovi-Breza	94.595,00
	Stručno tehnički nadzor	817,00
UKUPNO:		1.134.099,00

U 2026. godini, vrijednost planiranih sredstva za obnovu i vanredno održavanje regionalnih cesta je 1.216.559,00 KM (Tabela 3.).

Tabela 3. Planirana sredstva za obnovu i vanredno održavanje regionalnih cesta u 2026.godini

Redni broj	Dionice regionalnih cesta Zeničko-dobojskog kantona	Planirana sredstava /KM/
1.	Sanacija regionalne ceste R 413a Čajdraš-Ovnak lokalitet Jagodići	300.000,00
	Stručno tehnički nadzor	4.154,00
2.	Sanacija pločastih propusta na regionalnoj cesti R 466 Zavidovići-Kamenica-Ponijeri (dva propusta)	60.000,00
	Stručno tehnički nadzor	1.100,00
3.	Sanacija regionalne ceste R 474b Novi Šeher-Kopice-Teslić-Gr. Federacije lokalitet kroz naselje Kopice	150.000,00
	Stručno tehnički nadzor	2.250,00
4.	Sanacija regionalne ceste R 474 i izrada propusta kod OŠ Huso Hodžić	297.000,00
	Stručno tehnički nadzor	4.455,00
5.	Izgradnja pješačke staze uz regionalnu cestu R 457 Zenica-Arnauti lokalitet Borovi-Arnauti do škole	61.000,00
	Stručno tehnički nadzor	1.100,00
6.	Izgradnja trotoara uz regionalnu cestu R 444 lokalitet na izlazu iz Breze	100.000,00
	Stručno tehnički nadzor	1.500,00
7.	Sanacija regionalne ceste R 474 M17-Novu Šeher-Jelah-Gr. Federacije lokalitet kroz naselje Novi Šeher	100.000,00
	Stručno tehnički nadzor	1.500,00
8.	Izgradnja trotoara uz regionalnu cestu R 466 lokalitet Gostović kod škole	90.000,00
	Stručno tehnički nadzor	1.500,00
9.	Bušenje trupa pruge Bos. Šamac-Sarajevo u mjestu Drivuša radi rješavanja odvodnje oborinskih voda sa regionalne ceste R 445	40.000,00
	Stručno tehnički nadzor	1.000,00
UKUPNO:		1.216.559,00

II. UGOVORENE I DRUGE POSEBNE USLUGE

Izdaci za ugovorene i druge usluge planirani su ukupnom iznosu od 95.000,00 KM i obuhvataju sljedeće: Izdaci za poreze za ugovorene obaveze (izdaci za rad u komisijama za primopredaju cesta, rad sudskih vještaka i sl., posebna naknada na dohodak za zaštitu od prirodnih i drugih nesreća i ostale obaveze nastale po osnovu rada u komisijama i ostale ugovorene usluge, koje obuhvataju izdatke za izradu Projektnog zadatka i Elaborata snimanja stanja i procjene vrijednosti regionalnih cesta u nadležnosti Kantonalne direkcije za ceste, kao i ostale nespomenute usluge i dadžbine.

III. REKONSTRUKCIJA I IZGRADNJA CESTA I IZRADA PROJEKTNE DOKUMENTACIJE

U skladu sa pripadajućim finansijskim sredstvima za potrebe izvršenja radova na regionalnim cestama, investiciona sredstva u cestovnu infrastrukturu se ulažu u svrhu poboljšanja uslova prometa na cestovnoj mreži, shodno odredbama Zakona o cestama.

Za poslove rekonstrukcije i izgradnje regionalnih cesta i objekata na cestama u toku 2026. godine planiran je završetak započetih radova na cestovnim pravcima i objektima koji su ugovoreni u prošloj godini.

Pozicije radova rekonstrukcije i izgradnje regionalnih cesta će se izvršavati u zavisnosti od raspoloživih sredstava i prioriteta, kao i od stanja cesta nakon zimskog perioda. Obzirom na značaj kolovoza sa aspekta bezbjednog odvijanja prometa na cestama, prioritarno je potrebno rješavati zakonom definisane poslove na kolovoznoj konstrukciji, izgradnji cestovnih objekata, sanaciji aktivnih klizišta i ostali hitne radove.

Poslovi rekonstrukcije i izgradnje regionalnih cesta, kao i usluge projektovanja i vršenja stručno-tehničkog nadzora nad izvođenjem ugovorenih radova izvršavat će se od strane izvođača radova koji se biraju u skladu sa odredbama ZJN BiH.

U 2026. godini su planirana sredstva za rekonstrukciju cesta i izgradnju mostova, kao i za izradu projektno-tehničke dokumentacije u iznosu 10.650.000,00 KM umanjena za iznos plaćanja ugovorenih obaveza iz prethodne godine (prenos sredstava) i iznos sredstava planiranih za izradu projektno-tehničke dokumentacije, studija, elaborata i revizije projektne dokumentacije.

III.1. Rekonstrukcija i izgradnja regionalnih cesta

Rekonstrukcija cesta u smislu Zakona o cestama FBiH, podrazumjeva radove na dijelu postojeće ceste kojim se mijenja njena osnovna karakteristika sa ciljem povećanja kapaciteta ceste i nivoa usluge, a izgradnja cesta podrazumjeva radove pretežno po novoj trasi ceste.

Tehnička dokumentacija za rekonstrukciju i izgradnju regionalnih cesta, pored dokumentacije utvrđene Zakonom o prostornom uređenju i korištenju zemljišta na nivou Federacije BiH („Službene novine FBiH“, broj 2/06,72/07 i 32/08) treba da sadrži:

- a. projekat vertikalne i horizontalne saobraćajne signalizacije, plan i program rada rada svjetlosne signalizacije, projekat putne opreme i plan osvjetljenja,
- b. projekat priključivanja i ukrštanja cesta i priključivanje postojećih objekata na cesti,
- c. projekat priljučivanja mjesta izvan kolovoza: za izgradnju pomoćnih objekata koji služe cesti (pункtovi i stacionari), parkirališta, autobusnih stajališta, benzinskih pumpi, autoservisa, površina za zaustavljanje, parkiranje i isključivanje vozila, telefonskih govornica,
- d. druge uslove utvrđene Zakonom o cestama FBiH i popisima donesenim na osnovu Zakona.

Poslovi rekonstrukcije i izgradnje regionalnih cesta prema odredbama Zakona o cestama FBiH obuhvataju:

- građevinsko i drugo projektovanje sa istražnim radovima,
- projektovanje opreme, pratećih objekata, saobraćajne signalizacije i drugo,
- stručnu ocjenu studija i projekata sa sistematskim i nezavisnim ocjenjivanjem parametara sigurnosti,
- otkup zemljišta i objekata,
- premještanje komunalne i druge infrastrukture,
- pribavljanje urbanističke saglasnosti i odobrenja za građenje nadležnog organa,
- ustupanje radova građenja,
- organizaciju stručnog nadzora i kontrole ugrađenih materijala i izvedenih radova,

Prenos sredstava u 2026. godinu na osnovu ranije zaključenih ugovora o izvođenju radova na rekonstrukciji regionalnih cesta, stručno-tehničkom nadzoru i izradi projektno-tehničke dokumentacije je 3.086.939,81 KM (Tabela 4).

Tabela 4. Pregled prenosa sredstava na rekonstrukciji i stručno-tehničkom nadzoru

Red. br.	Dionice regionalnih cesta	Planirana sredstva /KM/
1.	R 445 Zenica-Lašva Sanacija regionalne ceste od kružnog toka Drivuša do privrednog društva “Almy Metalno”	238.553,00
	Stručno tehnički nadzor	4.669,00
2.	R 445 Zenica-Lašva Rekonstrukcija dijela regionalne ceste R445 u sastavu vangradske dionice GGM u Zenici (okvirni sporazum na period od 2 godine ugovor 1.)	203.745,00
	Stručno tehnički nadzor	3.249,00
3.	R444 Breza-Vareš Sanacija kolovoza regionalne ceste od ST 6+365,00 km	479.250,00
	Stručno tehnički nadzor	2.247,00

4.	R466 Zavidovići-Kamenica Sanacija regionalne ceste	241.370,00
	Stručno tehnički nadzor	1.029,00
5.	R466 Zavidovići-Kamenica Sanacija most na R466 Zavidovići-Kamenica ST 6+100,00 lokalitet Gostovići	101.058,00
	Stručno tehnički nadzor	1.106,00
6.	R473 Nemila-Bistričak-Teslić Sanacija regionalne ceste sa izgradnjom pješačke staze dionica od ST 0+196,00	282.082,00
	Stručno tehnički nadzor	1.516,00
7.	R444 a Vareš-Pogar Sanacija kolovoza regionalne ceste Vareš-Pogar	438.163,00
	Stručno tehnički nadzor	1.518,00
8.	R443 A1-Visoko-Kiseljak Izgradnja kružnog toka na spoju sa regionalnom cestom R 445 Kakanj-Visoko	45.520,00
	Stručno-tehnički nadzor	5.780,00
9.	R 445 Zenica-Lašva Rekonstrukcija dijela regionalne ceste R445 u sastavu vangradske dionice GGM u Zenici (okvirni sporazum na period od 2 godine ugovor 2.)	1.028.049,00
	Stručno tehnički nadzor	7.864,00
10.	R 457 Zenica-Arnauti Stručno tehnički nadzor modernizacija kolovoza kružnog toka Radakovo (ostatak)	171,00
UKUPNO:		3.086.939,00

U 2026. godini planirana je realizacija projekata rekonstrukcije regionalnih cesta u vrijednosti od 7.341.447,00 KM, (Tabela 5.).

Tabela 5. Pregled planiranih sredstava za rekonstrukciju i modernizaciju regionalnih cesta u 2026.godini.

Redni broj	Naziv projekta	Planirana sredstva /KM/
1.	R 467 Ribnica-Olovo-Han Pijesak-(granica Federacije) Sanacija kolovoza regionalne ceste R 467 od kraja asfalta	230.000,00
	Stručno-tehnički nadzor	3250,00
2.	R443 A1-Visoko-Kiseljak Izrada dijela oborinskog kolektora kod raskrsnice na spoju R 445 Kakanj-Visoko i R 443 Visoko-Kiseljak	50.000,00
	Stručno tehnički nadzor	825,00
3.	R 445 Kakanj-Visoko Sanacija kolovoza regionalne ceste R 445 (od mosta u Doboju do Delta Petrola)	686.000,00
	Stručno tehnički nadzor	10.111,00
4.	R466 Čatići-Kraljeva Sutjeska-Ponijeri Nastavak sanacije regionalne ceste R 466 kroz naselje Ponijeri	320.000,00
	Stručno tehnički nadzor	4.800,00
5.	R473 Nemila-Bistričak Nastavak sanacije regionalne ceste sa izgradnjom pješačke staze	400.000,00
	Stručno tehnički nadzor	6.000,00
6.	R 473 Bistričak-Teslić Sanacije kolovoza regionalne ceste R 473 od kraja afalta na Bistričaku prema Tesliću	400.000,00
	Stručno tehnički nadzor	6.000,00
7.	R 474 Novi Šeher-Tešanj-Jelah-granica Federacije Sanacija regionalne ceste kroz Tešanj	300.000,00
	Stručno tehnički nadzor	4.500,00

8.	R 445 Nemila-Zenica-Lašva Sanacija kolovoza regionalne ceste R 445 od ST. 16+570	420.000,00
	Stručno tehnički nadzor	6.300,00
9.	R 445 Zenica-Lašva Rekonstrukcija dijela regionalne ceste R445 u sastavu vangradske dionice GGM u Zenici (okvirni sporazum na period od 2 godine)	911.409,00
	Stručno-tehnički nadzor	4.427,00
10.	R 444 Podlugovi-Breza Izgradnja pješačke staze na mostu preko rijeke Stavnje u Podžupči	95.000,00
	Stručno-tehnički nadzor	1.500,00
11.	R466 Zavidovići-Kamenica Nastavak sanacije regionalne ceste R 466 prema Kamenici ST.10+600	200.000,00
	Stručno-tehnički nadzor	3.000,00
12.	R 413a Čajdraš-Ovnač Sanacija kolovoza regionalne ceste R 413a Čajdraš-Ovnač lokalitet Kozarci	1.000.000,00
	Stručno tehnički nadzor	15.000,00
13.	R 457 Arnauti- Donji Kakanj Izgradnja dijela regionalne ceste R-457 dionica Ribnica-D.Kakanj (preko lokaliteta vanjskog odlagališta Ribnica)	370.000,00
	Stručno tehnički nadzor	5.775,00
14.	R 473 Zenica-Arnauti-Kakanj Sanacija kolovoza regionalne ceste R 457 Zenica-Arnauti-Donji Kakanj	630.000,00
	Stručno tehnički nadzor	9.000,00
15.	R 457 Visoko-Podlugovi Sanacija kolovoza regionalne ceste R 445 Visoko-Podlugovi dionica od betonskog mosta kroz ulicu Sarajevska	500.000,00
	Stručno tehnički nadzor	8000,00
16.	R 474 Tešanj-Jelah-granica Federacije Izgradnja trotoara uz regionalnu cestu R 474 lokalitet Piljužići	80.000,00
	Stručno tehnički nadzor	800,00
17.	R 467 Ribnica-Olovo Zaštita kosina na regionalnoj cesti R467 lokalitet Boganovići	570.000,00
	Stručno tehnički nadzor	8.550,00
18.	R 413a Čajdraš-Ovnač Izgradnja trotoara uz regionalnu cestu R 413 a lokalitet Stranjani kod škole	80.000,00
	Stručno tehnički nadzor	1.200,00
UKUPNO:		7.341.447,00

U navedenom tabelarnom prikazu evidentirani su i projekti za koje će se pokrenuti postupak javnih nabavki u skladu sa odredbama ZJN BiH na vrijednost radova iz projektne dokumentacije, a koja je veća od planiranih sredstva u tekućoj godini. Tenderskom dokumentacijom će se predviđjeti zaključivanje Okvirnog sporazuma na period dvije i tri godine i zaključivanje ugovora za izvršenje preostalih radova iznad navedene planirane vrijednosti, u narednoj godini.

2. Izrada projektno-tehničke dokumentacije

U cilju stvaranja kvalitetnih tehničkih preduslova za realizaciju projekata, neophodno je za radove rekonstrukcije i vanrednog održavanja cesta sačiniti tehničku dokumentaciju propisanu zakonskom regulativom. Projektno-tehničkom dokumentacijom ispunjavamo potrebne zakonske uslove, postižemo potrebnu racionalnost ulaganja i ekonomičnija rješenja u svim fazama projektovanja.

Prenos sredstava u 2026. godinu na osnovu ranije zaključenih ugovora o izradi projektno-tehničke dokumentacije za dionice regionalnih cesta Zeničko-dobojskog kantona je 93.614,00 KM (Tabela 6.).

Tabela 6. Pregled prenosa sredstava na izradi projektno-tehničke dokumentacije

R.br	Izrada projektno-tehničke dokumentacije za dionice regionalnih cesta	Planirana sredstva /KM/
1.	Projekat izgradnje regionalne ceste R473 Bistričak-Teslić	16.146,00
2.	Analiza saobraćaja regionalne ceste R441 sa izradom glavnog projekta rekonstrukcije (raskrsnica R413a do granice Kantona)	37.440,00
3.	Sanacija regionalne ceste R443 Visoko-Kiseljak	2.808,00
4.	Izrada projekta sanacije klizišta i trupa ceste na R446 Zavidovići-Kamenica lokalitet Stipovići 1+553,00 km	5.198,00
5.	Izrada idejnog i glavnog projekta zaštite kosina na regionalnoj cesti R467 Ribnica Olovo	13.000,00
6.	Izrada saobraćajnog projekta za regionalnu cestu R474b Novi Šeher-Kopice-granica Federacije	4.212,00
7.	Prerada projekta rekonstrukcije i izgradnje dionice regionalne ceste R445 Zenica-Lašva	8.110,00
8.	Izrada projekta sanacije regionalnih cesta na području ZDK - pješačka staza kružni tok Drivuša - M17	6.700,00
UKUPNO:		93.614,00

Za 2026. godinu su planirana sredstva za izradu projektne dokumentacije u iznosu od 128.000,00 KM (Tabela 7.).

Tabela 7. Pregled planiranih sredstava za izradu projektne dokumentacije

Redni broj	Izrada projektno-tehničke dokumentacije za dionice regionalnih cesta Zeničko-dobojskog kantona	Planirana sredstva /KM/
1.	Detaljan pregled mosta na R 465 Zavidovići-Maglaj	18.000,00
2.	Detaljan pregled mosta na R 443 Visoko-Kiseljak	18.000,00
3.	Izrada projekta sanacije regionalnih cesta na području ZDK	8.000,00
4.	Izrada Elaborata i druge dokumentacije u postupku izdavanja odobrenja za gradnju	7.000,00
5.	Izrada projekta sanacije regionalne ceste R 445 dionica Čekrekčije-granica Kantona	8.000,00
6.	Izrada Elaborata eksproprijacije sa procjenom koštanja nekretnina za dionicu regionalne ceste R 445 Zenica-Lašva	15.000,00
7.	Izrada projekta sanacije klizišta na R 474a na ST. 2+300	7.000,00
8.	Izrada projekta izgradnje pješačke staze na R 444 most preko rijeke Stavnje u Podžupči	5.850,00
9.	Izrada projekta sanacije riječnog stuba mosta na R 466 na ST.15+800	3.000,00
10.	Izrada projekta sanacije klizišta uz regionalnu cestu R 467 Ribnica-Podkamensko ST.16+510	8.150,00
11.	Izrada projekta izgradnje dionice regionalne ceste R-457 Ribnica-D.Kakanj	15.000,00
12.	Izrada Elaborata za bušenje trupa pruge u Drivuši radi rješavanja odvodnje sa R 445	3.000,00
13.	Izrada projekta sanacije regionalne ceste R 457 Zenica-Arnauti dionica od škole u Babinu ST. 09+200 km	4.000,00
14.	Izrada projekta sanacije regionalne ceste R 445 Čatići-Visoko-Podlugovi (gr.Kantona) dionica od mosta u Seoči do mosta u Dobrinju	4.000,00

15.	Izrada projekta sanacije regionalne ceste R 443 Visoko-Kiseljak dionica od novog kružnog toka do OŠ Kulin ban	4.000,00
UKUPNO:		128.000,00

IV. NABAVKA OPREME

Za proširenje materijalne osnove za rad i poboljšanja u funkcionisanju Kantonalne direkcije za ceste planirana je nabavka neophodne opreme za rad iz namjenskih sredstava u vrijednosti od 15.000,00 KM (namještaj, računari, klime i dr.), a sve u skladu sa članom 93. i 96. Zakona o cestama Federacije BiH.

V. NABAVKA ZEMLJIŠTA (EKSPROPRIJACIJA)

U svrhu pokrivanja troškova provođenja postupka eksproprijacije zemljišta kod projekata rekonstrukcije dionica regionalnih cesta i isplate naknade vlasnicima zemljišta, šuma i višegodišnjih zasada planirano je 535.000,00 KM. Kantonalna direkcija za ceste je pokrenula postupak eksproprijacije zemljišta u svrhu izdavanja odobrenja za građenje vangradske dionice GGM-a u sastavu regionalne ceste Zenica-Lašva putem Kantonalnog pravobranilaštva.

REKAPITULACIJA UTROŠKA SREDSTAVA

Planirane aktivnosti	Planirana vrijednost utroška sredstava
I. Održavanje regionalnih cesta	15.700.000,00 KM
Redovno održavanje regionalnih cesta 2026.	7.729.001,00 KM
Održavanje regionalnih cesta u zimskim uslovima 2026.	1.865.206,00 KM
Finansiranje ugovorenih obaveza redovnog i zimskog održavanja iz 2025. godine	3.705.135,00 KM
Finansiranje ugovorenih obaveza obnove i vanrednog održavanje regionalnih cesta iz 2025. godine	1.134.099,00 KM
Obnova i vanredno održavanje regionalnih cesta za 2026.godinu	1.216.559,00 KM
Sufinansiranje održavanja pružnih prijelaza na regionalnim cestama	50.000,00 KM
I.1 Rasvjeta tunela „Ponikve“ Vareš	5.000,00 KM
II. Ugovorene i druge posebne usluge	95.000,00 KM
III. Rekonstrukcija i izgradnja cesta i cestovnih objekata, izrada projektne dokumentacije i stručno-tehnički nadzor	10.650.000,00 KM
- finansiranje ugovorenih obaveza izrade projektno-tehničke dokumentacije iz 2025. godine	93.614,00 KM
- finansiranje ugovorenih obaveza rekonstrukcije i sanacije iz 2025. godine	3.086.939,00 KM
- rekonstrukcija i sanacija regionalnih cesta za 2026.godinu	7.341.447,00 KM
- izrada projektno-tehničke dokumentacije za 2026. godinu	128.000,00 KM
IV. Nabavka opreme	15.000,00 KM
V. Nabavka (Eksproprijacija) zemljišta	535.000,00 KM
SVEUKUPNO	27.000.000,00 KM

Broj:12-2-23-1751/25
Zenica, 09.02.2026.godine

Obrađivač akta:
Pozderović Izet

DOSTAVLJENO:

1x Ministarstvo za prostorno uređenje
promet i komunikacije i zaštitu okoline
1x Kantonalna direkcija za ceste
1x Ministarstvo finansija
1x a/a

**PO OVLAŠTENJU MINISTRA
ZA DIREKTORA**

Albin Čatić